



Broj: 14-14-3-11327-10/18  
Zenica: 17.08.2018.godine

Na osnovu člana 70. i člana 64. Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 14-14-3-11327-9/18 od 14.08.2018.godine, u postupku javne nabavke „Nabavka i isporuka kancelarijskog materijala i pribora za ZDK“, direktor Službe za zajedničke poslove Zeničko-dobojskog kantona, donosi:

### **ODLUKU** **o izboru najpovoljnijeg ponuđača**

1. Prihvata se preporuka Komisije za javnu nabavku iz Zapisnika broj: 14-14-3-11327-9/18 od 14.08.2018. godine i ugovor za „Nabavka i isporuka kancelarijskog materijala i pribora za ZDK“, dodjeljuje se ponuđaču: „Exclusive“ d.o.o. Zenica, kao najbolje ocijenjenom ponuđaču.
2. Ponuđač kojem se dodjeljuje ugovor dužan je dostaviti dokumente iz člana 45. i 46. navedene u tački 3.1 i 3.2. Tenderske dokumentacije, u roku od 5 (pet) dana od prijema Odluke o izboru najpovoljnijeg ponuđača. Dokumenti moraju biti dostavljeni na način definisan u tački 4.2. tenderske dokumentacije.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog okvirnog sporazuma o nabavci.
4. Po potpisivanju okvirnog sporazuma, izabrani ponuđač dužan je dostaviti Garanciju za uredno izvršenje ugovora, u roku od 10 kalendarskih dana, u iznosu i na način kako je to definisano tačkom 6.7. tenderske dokumentacije.
5. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama. Ova odluka dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
6. Za realizaciju ove Odluke zadužuje se Služba za zajedničke poslove.

### **Obrazloženje**

Služba za zajedničke poslove je na osnovu Odluke o pokretanju postupka javne nabavke broj: 14-14-3-11327/18 od 11.07.2017.godine, pokrenula postupak javne nabavke za „Nabavka i isporuka kancelarijskog materijala i pribora za ZDK“. Javna nabavka je provedena putem otvorenog postupka sa dodjelom okvirnog sporazuma na dvije godine. Procijenjena vrijednost nabavke je 100.000,00 KM bez PDV-a.

Ugovorni organ je, dana 20.07.2018.godine, objavio tendersku dokumentaciju i obavještenje o nabavci na portalu javnih nabavki, broj: 771-1-1-13-3-11/18, a dana 31.07.2018. godine izmjenjenu tendersku dokumentaciju i ispravku obavještenja o nabavci, broj: 771-1-1-13-8-12/18. Komisija za provođenje postupka javne nabavke, koja je imenovana Rješenjem broj: 14-14-3-11327-1/18 od 11.07.2018. godine, blagovremeno je izvršila javno otvaranje ponuda, te u Zapisniku od 14.08.2018.godine, konstatovala da su u predviđenom roku pristigle dvije ponude, ponuđača: „Exclusive“ d.o.o. Zenica i „PlanPlus“ d.o.o. Zenica.

Nakon provedenog postupka provjere kvalifikacije ponuđača, a prema uslovima navedenim u tenderskoj dokumentaciji, utvrđeno je sljedeće:

- Ponuda ponuđača „PlanPlus“ d.o.o. Zenica se odbacuje iz sljedećih razloga:
  - ponuđač je dostavio ponudu u samo jednom primjerku (originalu), što nije u skladu sa tačkom 4.2. Tenderske dokumentacije;
  - Obrazac za cijenu ponude (Aneks III) nije popunjen, potpisan od ovlaštenog lica i ovjeren kako je traženo tačkom 4.1. Tenderske dokumentacije;
  - Izjava o ispunjenosti uslova iz člana 45. stav (1) tačka od a) do d) Zakona o javnim nabavkama (Aneks IV) nije popunjena, potpisana od nadležnog organa i ovjerena, kako je traženo tačkom 4.1. Tenderske dokumentacije;
  - Izjava ponuđača iz člana 47. Stav (1) tačka a) Zakona o javnim nabavkama (Aneks V) nije popunjena, potpisana od ponuđača i ovjerena, kako je traženo tačkom 4.1. Tenderske dokumentacije;
  - Izjava ponuđača iz člana 52. Zakona o javnim nabavkama – (Aneks VI) nije popunjena, potpisana od nadležnog organa i ovjerena, kako je traženo tačkom 4.1. Tenderske dokumentacije;
  - Garancija za ozbiljnost ponude nije dostavljena u originalu, u zatvorenoj plastičnoj foliji, koja je na vrhu zatvorena naljepnicom na koju je stavljen pečat ponuđača ili je otvor na foliji zatvoren jemstvenikom, a na mjesto vezivanja zalijepljena naljepnica i otisnut pečat ponuđača, kako je je traženo tačkom 4.10. Tenderske dokumentacije.
  - traženi uzorci nisu dostavljeni, kako je traženo u Aneksu III-Obrazac za cijenu ponude

Ponuda gore navedenog ponuđača se odbacuju na osnovu člana 68. stav 4. Zakona o javnim nabavkama (Sl. Glasnik BiH broj: 39/14), jer:

- ponuda nije potpuna i ne ispunjava zahtjeve iz tenderske dokumentacije
- uz ponudu nije dostavljena garancija za ozbiljnost ponude

• Ponuda ponuđača „Exclusive“ d.o.o. Sarajevo je prihvatljiva prema obliku, sadržaju i potpunosti za daljnju analizu i ocjenjivanje, te je i ocijenjena kao ekonomski najpovoljnija ponuda, kako slijedi:

| Red. br. | Naziv i sjedište ponuđača | Cijena 90% | Bod ova | Uslovi i način plaćanja 5% | Bod ova | Rok isporuke 5% | Bod ova | Ukupno     |
|----------|---------------------------|------------|---------|----------------------------|---------|-----------------|---------|------------|
| 1.       | Exclusive d.o.o. Zenica   | 89.809,30  | 90      | 81                         | 5       | 1               | 5       | <b>100</b> |

U skladu sa navedenim, Komisija je dala preporuku ugovornom organu za donošenje odluke o izboru ponuđača „Exclusive“ d.o.o. Zenica, kao najpovoljnijeg ponuđača za predmetnu nabavku.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.



Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Na osnovu navedenog, donesena je odluka kao u dispozitivu.

**Pouka o pravnom lijeku**

Protiv ove Odluke može se izjaviti žalba u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. Zakona o javnim nabavkama.

Dostavljeno: 1x ponuđači  
1x tenderska dokumentacija

9 84

